

بـ تدبج موت

عبد القادر عید عیاد

الناشر
اتحاد كتاب مصر

عياد ،عبدالقادر عيد
ب تدبح موت
أشعار بالعامية المصرية
ب تدبح موت – عبدالقادر عيد عياد
الناشر : اتحاد كتاب مصر
تصميم وإخراج داخلي: الأجيال المصرية
رقم الإيداع بدار الكتب والوثائق القومية
2019 /14682

الترقيم الدولي

978-977-6668-43-0



دار الفراغة للنشر والتوزيع والترجمة

إهداء

إلى أجمل النساء
و أقربهم إلى قلبي
إلى آخر زهرات حياتي
إلى رصف
بعض مما أملك

عبد القادر عياد

أنا عمري ما أصدق قلب

ومش ح أسمع
لهمسية
رقيقة
ناعمة
خداعة
ولا ح أستنا
نساية ..
أقيس الوحدة بالساعة
ولا عمري
ح أصافي لك
ولا ح أتعلق
ب ليك
كشماعة

خلاص همسك
بقى بايخ
ف لمي كل حكاويكي
ب أدور
في زمن شايب
ع قلبي اللي أنشفل بيكي
ف سيبي القلب
أرجوكي
خيالاتي
ب تهجوكي
و تبكيكي

أنا عمري ما أصدق قلب

أسارىك
ب تخذعني
يا ريتني يوم
ما كان شوفتك
أسافينك
ب توجعني
دبختيني
بمعرفتك
و أنا اللي كنت
عاشقائك
وبعت الدنيا
علشانك
ولا بعثك

أنا عمري ما أصدق قلب

رسمت لك
حياة حلوة
وزوّقت الطريق
بالورد
وقصتنا
بقت غنوة
و من شعري
كتبت الرد
و عارف
إنها غلطة
و مش فاضل
سوى نقطة
لوضع الحد

أنا عمري ما أصدق قلب

أنا أتعلمت
م الموقف
و ح أعلنها
على العالم
ما عمر عينيكي
تستوقف
عينيا في زمن آلم
ح أدوس بشدة
ع مشاعري
و ح أكتم
كل صوت
شعري
يكون حالم

أنا عمري ما أصدق قلب

راح أنسا
أي يوم عدا
و ح أبعد
أي شوق باقي
و ح أشطب
كل مسودة
همست إليها أشواقي
و مش ح أندم
ولا أستسلم
لخناقي

أنا عمري ما أصدق قلب

ح أسيب الدنيا
و الأوهام
و مش ح أشعر
معاكي بذب
و ح أعلنها
بكل تمام
أنا عمري
ما أصدق قلب
ولا ح أسمع
لدقاته
ولا ح أستنا
زلاته
لهمسة حب

أنا عمري ما أصدق قلب

راح أشطب
كل أحلامي
كفاية فوق
بقى و أعرف
ب تتسلى
ب أوهامي
يا قلبي
سايبها تستظرف
و ترميني
ورا بابها
سجين
ع رف في دولا بها
ب يستعطف

أنا عمري ما أصلق قلب

تصالحها
تحايلها
لأمتي
ح تفضل تذلك
وكل ما تنده
تجي لها
ف تعلن
للوجود ذلك
ب تتمسح
في رقتها
و تتناسى
قساوتها
ف تأذن لك

أنا عمري ما أصدق قلب

ب ترسمني
لها صورة
تمني نفسها
و روحها
بقت
إنسانة مغرورة
غرورها يوم
ح يدبجها
و برضو
مش ح تتعلم
ولا بالحق
ح تسلم
ف ننصحها

أنا عمري ما أصدق قلب

يا قلبي
سيبها للغيرة
ب أقولها لك
و صدقتني
و خلصني
من الحيرة
أنا منك
ف ليه تسيبني
ولو شكيت
في إحساسي
ما تفضلشي
كده قاسي
و حاسبني

أنا عمري ما أصدق قلب

كفاية
يا قلب يا مخدوع
أنا نفسي تفوق منها
كفاية بقى
أسى و دموع
بجد
ما عدنا عايزينها
خلاصي
كبرنا ع الهفوة
و لازم
نصحا م الغفوة
و نعلنها

أنا عمري ما أصدق قلب

أنا م اليوم
ح أبيع قلبي
و أودع
كل إحساسي
لأنه
ذلني في حبي
و سلمني لوسواسي
ف مش فارقة
حببتي كنتي
أو سارقة
لأنفاسي

أنا عمري ما أصدق قلب

ب أقولها لك
بقي روعي
على الله
يختفي طيفك
ب تتسلي
على جروحي
و تتمادي
على كيفك
ولا قادر
أجاريكي
وفي قلبي
أداريكي
على زيفك

أنا عمري ما أضلق قلب

خدي قلبك
خلاص و امشي
كشفناكم
على الآخر
معاكي
حبي ما يدومشي
أحاسيسي بتتاخر
و تعلن
إنها رافضة
و في أحزانها حافضة
أسى سافر

أنا عمري ما أصدق قلب

راح أطلب
م التاريخ يشهد
حياة الحسرة
و النسيان
و إنك خارج المشهد
و نبضة ..
ب تعلن العصيان
و أنفاسك
بقت مرة
و مش محتاجة
ب المرة
إلى إنسان

أنا عمري ما أصدق قلب

ب تدبج موت

ب أحبّك موت
و ب أشتاق لك
ومهما أكون
قريب منك ،
بعيد عنك
أنا مشتاق
بأفكاري ..
و أشعاري
بكل الصدق
في حوار
ب أقولها لك
ب أحبّك موت

ب تدبج موت

في ترحالي و تجوالي
في لابي ،
موبايلي ،
موالي
في شهقي .. زفيري
لذاتي بأنواعها
في حسني .. شعوري
أحزاني وأوجاعها
ب أشوفك بلسمي وأملني
نسيم روعي ، خطوط عملي
في عز الصمت يتحرك عبير قلبي
ف يكتب لك ..
ب أحبك موت

أنا .. يا حنة من روعي
فتحت عشائك جروحي
وسلّلت النجوم ليكي
تهدي لك ،
وتحكي لك ،
وتعلن
إنه يوم ليك
ما حينور ..
سوى بيكي
لحد الموت

عينيكي
اللي السفر ليها
وألوان السما فيها
بريق ساطع
أيمان جامع
أهات ..
القلب يرويهها
لعشاق الألم فرحة
بأن عيونك الجارحة
ب تدبح موت

شروق الشمس
من فيك
خطوط الأمس
تسبيلك
سواد الليل
خشي ضيئك
خضار الزرع
يسبى لك
أنا عندك
و مع عندك
ب أخطي وأفوت

قلوب الناس
ب تحسدنا
ع لمتنا
ب ميت وسواس
تعد علينا
خطوتنا
غيرتهم
عدت اللحظة
و راصدانا
عيون جاحظة
بألف تابوت

ب تدبج موت

يا همسة
هاربة مني
ملاك الشعر كلمني
وقرر إنه يتنازل
ب طيب خاطر
يسلم قلبي لعيونك
ف تهدي له
حمام أبيض ..
ب تهديله
بنفس الصوت

و عشاق الزمن تحضر
و يصطفوا على محور
يباركوا لك
جمال جسمك ،
كمال كسمك ،
سدول الشعر ع أكتافك
حمار الكرز في شفايفك
هطول الشعر . . إرهافك
بواقى من زمن شايفك
و حالف للنجوم إنه
ب أحبك موت

حبيبتي أزاي يكون اسمي

~ ١ ~

شوفتك حبيبتي
ملحمة

ما بين قديمك
و الجديد
الكل حيران إنما
أنتي الأكيد
واحدة التاريخ
ف سكتك
و محدداه
من يوم ما جا
و أنتي معاه

حبيبتي أزاي يكون اسمي

~ 2 ~

يُحكى انك
حلم كل المشتاقين
من عظمتك
الزمن مبهور سنين
يرسمك وردة
ف حديقة مرسمه
ينحتك تحفة
أكيد ح تعظمه
ما أنتي فوقتي
الأولين

حبيبتي أزاى يكون اسمي

~ 3 ~

أنا لسه ح أقول
وح أكمل صورة
راسمها لك
أنا عارف لو مين فنان
ما ح يقدر
يوصف لك حالك
لكن مع أحمس و تحتمس
رمسيسك .. يوسف و جمالك
ونجيبك .. مجدك و زويلك
و ساداتك .. علمك و مجالك
منحوتة في قلبي يا حدوتة
و بكل حروفك و خيالك

حبيبتى أزاي يكون اسمي

~ 4 ~

حاربت سنين
عشان يفضل خيالك حر
حاربت الجهل و العتمة
في وقت الدنيا شارباهم
بطعم المر
رسمتك لوحة لمّاحة
قمر نور خطوط العمر
رسمتك نجمة رماحة
ما توقفتني في أي مقر
رسمتك نسمة فواحة
عطور عدت في كل ممر

حبيبتي أزاى يكون اسمي

~ 5 ~

حبيبتي أزاي يكون اسمي
و أنا اسمك واخذني لفوق
و علاني و علا بي
غروب و شروق
أمم ياما حضنتيها
و قدتيها
حضاراتك تاريخ يشهد
أثاراتك على المشهد
بوادر سبق خدتيها

حبيبتي أزاي يكون اسمي

و عارفة يا مصر
إسلامك
حضنا بجد
رسول الحكمة
وصى لك
تفوقي الحد
و كنتي يا مصر حنية
في إسلامي و قبطية
ولا عمرك فصلتينا
ولا حددتي
مين فينا
وعشتي الحب جوانا
و كنا لك و كنتينا
و سمعناكي يا بهية
أغاني الود

~ 7 ~

ولسه الحلم قدامي
مادد لي أيديه
أنا مصري
فريد عصري
تاريخ يحكيه
أنا أهرامك و نيلك
أنا برجك ، أنا سدك
أنا القلعة ، أنا الأزهر
في عز المحنة صوت يظهر
يغني لك
أنا الحلم
اللي عاش الكل يحلم بيه
أنا يا مصر شريانك
ربطت الدنيا علشانك
وجا الوقت اللي طورتيه

حبيبتي أزاي يكون اسمي

~ 8 ~

و ب أعشق
رملك
و طينك
سمار الناس
في تكوينك
و دقة فاس
في قلب الغيط
و جميزة
عليها عيال
ما بين الجري
و التنطيط
و نخلة طويلة
شداني
بجبل الليف
و نكتة وقتها تطلع
بدم خفيف

حبيبتي أزاي يكون اسمي

~ 9 ~

حبيبتي

يا مصر جويا

حنين ياما

و بالتأكيد

ندوس الضعف

و الأزمة

نخللي

لكل شي لازمة

بأيد ف الأيد

ح تبقي شمس أمتنا

تلمي الجمع من تاني

نغني ..

العرب أوطاني

بشكل جديد

حبيبتي أزاي يكون اسمي

وصية قلب

ما تبكيشي ..
وصية قلب ب يحبك ،
ب انام الليل
على همسك ،
و أشوف الحلم
في أمسك
و أحس الصبح موالى
لو أنتي فيه !

أدي صورتی
سایبها لك
و مش ندمان
و حالی
برضو من حالك
في غربة
كلها أحزان
أنا عاشق ب يهواكي
و قلبي نبضه جواكي
ف حافظي عليه

ب أشوف الغربية
مش عادي
ما هو أنتي شوقي
في الفرقة
ف ليه عايزني حسادي
أعاني الصمت والحرقة
وليه ؟ وليه ؟
وليه الكلمة ما عدتشي
تحن إليه

أمانة لو ذكرتيني
ما تبكيشي
لأن الدمع في الغربية
بقى عيشي
وحبك ..
كل يوم يكبر
وقلبي ..
فيكي ب يفكر
ينيمني ..
يصحيني ،
ع كلمة .. ليه ؟

خيالي
بعد ترحالي
ب يشهد لك
و عارف
إن أحوالي
ب تعهد لك
ومهما تعدي أهوالي
أنا أهلك
أنا العمر اللي تستنيه

أنا مش ح أبعت
أشواقي
تصحيكي
ولا ح أستنى
أحزاني
تعزيكي
لأنك حنة من قلبي
و ملياني
و همك هو عنواني
اللي ضيعتيه

أنا عاشق لأزماني
و فرحي
إن أنتي سجاني
خدي قلبي ..
أسير قلبك
و خليني رهان حبك
ح أعيد القصة مكتوبة
و ح أعلن إنها توبة
و أبكي عليه

أنا منك ..
و ح أبعد ليه ؟

أنا قريب ..
وشوقي ..
لما ب أتحايل
على قلبك !
و عزي إني أتدلل
ع باب حبك
يا بنت الأيه !

حبي لمصر ما يتعوضش

طبعاً أهل
دمنا واحد
قلبنا واحد
كلنا برضو فراش ب يهل
لكن بس الفرق خداعكم
كان السهل
ف استسلمتم
و توجهتم .. لأقرب حل
حتى الموت ..
ما بقاش ب يفرق
صار ب يحصد فينا
و فيكم من غير مهل

ليه تموتي ؟
حلمك عمره ما ضل طريقي
كنت ب أحس الفرقة في بعدك
حتى في قربك
ب يفرقنا البعد حقيقي
أيوه ب أحب بجد الميري
و أفخر إنه قلب ضميري
لكن عمري
ما كنت الموت
عمرك شوفتي
الموت ب يموت

أيوه .. أنا حلمك
لكن مش مرسوم ع هواهم
حتى القطر الميري الصامد
كان ب يجري عكس لقاهم
غرروا بيكم
ضيعوا فيكم
طعم الصوت
شالوا الكلمة
من ع السطر
صعب عليهم ..
لوح يغشوا
ريحة العطر

كنت ب أحسك .. وتحسيني
كنت ب أموت
علشان تشوفيني
قبل ما يحصل بينا فراق
خدت القلب بحب معايا
وتهربت من الأشواق
يمكن غلطة
لكن أجمل غلطة
في عيني
إني بأحبك
و إنك حنة
من تكويني

شوفتي الواقع
شارخ فينا زي الناي
يقسم قلبي ..
بين الذكرى وبين الآي
طب عايزاني ..
أبقى معاكم ؟..
طب فهميني
مصر حبيبتي
ح أسيبها أزاي ؟
لكن وعد عليا
ما ح أعشق
أي بنات ..
في عمري الجاي

أيوه أنا فاكِر
كنا ب نلعب
لكن عمره
ما كان من قلبي
تنقطع أيدي ..
لو كنت أعلم
إنها يوم راح تقتل حبي !
نفس الرد :
ياه يا القسوة .. قلبك ناشف !
خدتي حياتنا .. بقولة آسف
فرقتينا في لعبة
و فرقتينا في جد

حبي لمصر ما يتعوضش

آه لوب أعرف
إن الصوت الخارج مني ..
طلق رصاص !
آه لوب أدري
إن الضمة ..
يعني خلاص
كنت قتلت القلب بأيدي
و ما يفرقش !
أستنيني لما أجيك
يوم وتجيني
لكن حبي لمصر بجد
ما يتعوضش

حبي لمصر ما يتعوضش

أنا عمري ما ح أنساكي

قولها .. لو تعزيني
(ب توحشني حبيبي كثير)
أنا عمري
ما ح أنساكي
ح وشوش لك
نجوم الليل
و ح أبعث لك
كلام القلب
و أبرهن لك
ب ألف دليل
ب إني لسه ب أهواكي

وحشتيني أنا أكثر
و ب أحلم
إني أكون قريبك
و حبك كل يوم يكبر
و ب أعشق
بالجنون قلبك
و فكري
منشغل بيكي
و ب أستنا على بابك
لأي قرار
و أشواقني تناديكي
و عارف إن حبك نار

أنا عمري
ما ح أنساكي
و عمري
ما أنسا دقة قلب
أنا عاشق
ب يهواكي
و حلمي بس
لحظة حب
تجمّعنا
و ترضينا
و تحفظها حكاوينا

أنا عمري ما ح أنساكي

وحشتيني

يا بخت الكحل
في عينيكي
و بخت المشط
و مرآيتك
و ب أحسد
كل ما فيكي
دموعك
صمتك
حكايتك
انا عن جد
ب أشتاق لك

حبيبتني
نفسى أحكي لك
و أنا ب أحلم
و أنا صاحي
بإن القلب
صافي لك
و ب أسهر
ليلي صباحي
أناديكي
و أشعاري تناجيكي
و تهمس لك
أنا ليكي

أنا عمري
ما ح أنساكي
ب أفكر
كل يوم فيكي
ولا ح أنسا هداياكي
خصوصا
أغلى ما فيكي
ف قلبك جوّه جوايا
ب يحييني
و راسمك
وردة في حكاية
تتاجيني

قولي لي
كيف ح أكون قاسي
وكيف بسي
ح أفرط فيه
دا قلبك كل إحساسي
ف أزاى بس
ح أقسى عليه
مصيري في البعاد عنك
ب يدبطني
و طيري
لو هرب مني
ح يجرحني

أحاسيسي
أما أودعها
ب أقولها لك
جمالك
موت بيحيني
و أنفاسي
اللي ب أسمعها
ب أعيدها لك
عبير قلبك
ب يشجيني

دموعك نار
ب تحرقني
و بعدك
شل تكويني
ح أعيش
أتمنى رؤياكي
و أموت
أستنا وياكي
ب أقولها لك
و حشتيني

أنا لسه على وعدي

أنا لسه
على وعدي
ب أكد لك
ب كل دليل
و أقولها بجد
أنا حلمك
وحلم جميل
ما لوش في العند
و عارف إني خيالك

أنا لسه على وعدي

حبيبتني :
كلمة مش أكثر
وب أعلنها
في كل كتاب
أنا عمري
ما ح أتغير
كفايانا
ألم وعذاب
أنا بكره
ح أجيبهولك
ب أشعاري
كاتبهولك

أنا لسه على وعدي

و قلبك
عمري
ما أَلعب بيه
و لا ب أقدر
على زيفه
وطول عمري
ب أحاييل فيه
ما أنا ساييه
على كيفه
و أحوالك ب أعديها

أنا لسه على وعدي

ما يلزم نيش

وليه بسي
ما أصدقكيش
و أصدق
كل دقة قلب
و عارف إنه
برضو ما فيش
و لا فارق
معاكي الحب
ف سيبك بس م الأوهام
و تكرار الندم فيها
لأن الحب و الأحلام
أمانى الحزن يخفيها

أنا عن نفسي
مش ح أستنى
إحسانك
و شوق القلب
لحنانك
لأن الفكرة محسوبة
بألف حساب
حكاوي ياما مكتوبة
عن الأحباب
تفاصيلك
و ألوانك

و مش لازم
دموع تما سيح
بكاكي مش ح يعني الحب
و هز الغصن
مش بالريح
كفاية إنك تحسي بذنوب
عياط في الأوضة أو جنبي
ما يلزمنيش
حياة ع الموضة أو غربي
سيبيننا نعيش
بناقص قلب

وجودي
يوم ح تفكريه
صباح الخير
وحشتيني
كلامي لما تشعري بيه
بعادك لما يشجيني
و قلبي لَمَّا يصفى لك
حاجات أنتي خسرتها
و جالك وقت تندمي فيه
ف عيشي الوحدة
و انسيني
و سيبني للندم حالك

و حبيبتك ما حبتكيش
ح يفرق أياه
بدال من غيري
يحلّى العيش
ف أفرحي بيه
أنا برضو
ب أحب الوحدة من غيرك
و مش ندمان
على الأشواق
و أحسن لي
يكون سيري بلا سيرك
و أجمل كلمة قولتيها
(آخرها فراق)

لازم ح أعود

استنظري
بكره ح أجيلك
في الميعاد
الغربة واجعاني
عائش
على طعم السهاد
أفكاري سابقاني
لحظات ب يسرقنا البعاد
أسف على غيابي
في الليل ب يغطي سواد
البعدي يا أحبابي

لازم ح أعود
و ح أعيد أمل
ضاع من زمن
الفكر شاب
والقلب للحزن استطاب
عشق المحن
وسط الليالي ب أفتر
وقت الحساب
و عشان كده
لازم ح أعود
و ح أرد من
قلب السحاب
طعم الشجن

استنظري
الفكر شارد في الخضوع
قلبي سابقتي للحضور
تايه ما بينك و الرجوع
ضايع على
نفس السطور

لكن ح أجي لك
رغم كل المستحيل
ح أعبر خطوط الحلم
والليل الطويل
و أشغل فراغك
و الشعور

عارفك حبيبتي
في انتظار
عارف بعادي والألم
لكن و من نفس القرار
عائش حياتي في العدم

معصور
ب لوعة الاشتياق
ب أستنى في
شمس النهار
لازم ح أعدي م الفراق
و أسبق ساعات الأنتظار
و أحرق طوابير الندم

لازم ح أعود

قلبي حزين في غربته
ضائع ما بين
الشوق وبين
الدنيا حاسه ب حرقة
فين الرضا
في الغربية فين
أنا يا حبيبي ب أتحرق
ب الذكريات
الفرح مني
ب يتسرق
بين الآهات
أمتى ح يجمعنا الحنين

أكيد نهايتها ملتوتة

عشانك
ح أرسم البسمة
و أداري كل أحزاني
ح أشارك
روحك النسمة
ونحلم بالآمان ثاني
حياتي
حلم أحلامي
اللي ب أتمناه ..
وأملّي وبلسمي
وحبي
اللي مش ح أنساه ..

أنا ب أعشق
براءة قلبك النونو
في أيدي ..
لسه مفتاحه
أمالي ،
حبي ،
أحلامي ،
تاريخي ،
وعمري .. ح يكونوا
فداكي ..
بس ترتاحوا .

أنا عمري
كاتبهولك
ح يكفيكي
و يشفع لك
عتاب ولوم
أنا قلبي
بيشكيكي
و يشهد لك
أنا بعدك
أمل معدوم

حاجاتك كلها حلمي
اللى ما حلمتوش
أنا قلبي
بدون حبك
صبح فوضا
سكن مفروش
ما ب أهتمش بسكانه
ولا يعنيني
مين كانوا
وجنة لو ماليها الناس
بدونك .. حبي
ما ب تنداس .. !

أكيد نهايتها ملتوتة

ما هي الدنيا فنانة
في رسم الفرح
متروِّق
بلون الدَّم
متشعلق ..
في حبل الهم
متوزَّع على نوتة
بريئة في يد بنوتة
نهايتها
نكون مع بعض
ولا ضياع
أكيد نهايتها ملتوتة
هدوء وصراع ..

أكيد نهايتها ملتوتة

حروفي ب تنفرط ليكي

ده فيه عاشق ..
بدون حاجة
وفيه ب يغير ،
وفيه قلبه
في تلاجة !!
ولا بيهزه
يوم تعبیر !
مع أن ...
مشاعره محتاجة

ب أحب
وحي
مش عادي
يعدي
ستميت ريختر
مشاعري
و روي
بتنادي
تحني علياً
مش اكر

حروفي ب تنفرط ليكي

جمال الحب
إن نتعب
و نتحمّل ..
فراق ، و هلاك
عشان نحس
بالراحة
خصوصا
لو حبيب القلب
رقيق
و طبعه طبع ملاك
و يغوى الحب
براحة

كلام الحب
بصعوبة
وتشكيكي
لأن اللحظة
محسوبة
لكن وحدك
حروفي
ب تنفرط ليكي
كأنها بيكي مكتوبة

حروفي ب تنفرط ليكي

ب أحب
حروفك النادية
وفيها " خلود "
ب تعزف ألف أغنية
لقلبي يعود
و إحساسك يا الله عليه
ب يحدقني إلى دوحة
بورق وقل مطروحة
أضلّ أسرح
وأحلم بيه
وتشهد لي
العيون السود

عينيكى تحكى
أسطورة
وترمينى
فى دوامة
أعافر كل أغوارك
وأسرارك
أدوخ و أرجع
أتوه فى دنيا
محذورة
كتير يا ما
ب ترسمها لى
أفكارك

حروفي ب تنفرط ليكي

واحدة قلبي خط سيرك

الخيانة
إنك بعدتي
لما قلبي
حنّ ليكي
اترسمتي
و استعدتي
كل قسوة
حوا فيكي
التكبر والتعالي
كلها أغراض بليدة
ولا حبك للتسالي
قرب الفكرة البعيدة

واحدة قلبي خط سيرك

لو صبرتي
كنتي شوفتي
إن ظنك مستحيل
لكن الشر ف طبيعتك
حوا من أيام هابيل
الخيانة
ب احتسبها
لو في نظرة
تكون لغيرك
كيف ح أخونك
وأنتي جوّه
واحدة قلبي
خط سيرك

واحدة قلبي خط سيرك

اعتذاري إني عاشق
عشق طامح
للوضوح
عشق سلم كبريائي
قلب مليان
بالجروح
لوني غامق
لوني باهت
كلها خيالات غريبة
كوني جامح
ليه و ساكت
إني حسبتك حبيبة

واحدة قلبي خط سيرك

السماح انك تتوبي
قاسية ظالمة
مش كفاية
دا أنتي لو
حطيت ذنوبي
جنب ذنبك
تبقى آية
تطرديني
برضو ح أصفح
تكرهيني
عمري ما أسمح
إني أشوفك
مش معايا

واحدة قلبي خط سيرك

أنتي حلمي
اللي شاغلني
و الكثير
باصين لي فيه
يحسدوني من عينيكي
سحرهم
توهاني بيه
خصتيني بحلم عمري
لما سبتي الكل .. ليه
و اللي شاغلك بس أمري
خدت قلبك فزت بيه

كان كفاية
بس كلمة
نختتم بيها
الوداع
تبقى بينا
لحظة حلوة
خالية من
ذل الصراع
الوجع يصبح عدم
لما بكرة
من فراقنا
نعض أصابع الندم

ليه تحتاري

ليه تحتاري
ليه تستني
أنتي نسييتي
يا ما حزنا
ولا الحزن
ده عندك كيف ؟

أنتي رسمتي
فراقنا لبكرة
واستسلمتي
لأول فكرة
طب عايزاني
أرجع كيف

سيبي أمالك مرة في حضني
عمري ما ح أخذل أمالك يوم
ولا ح أتنازل يوم عن حبي
ولا ح أتخلي عنك دوم
أنا حبيت و عمري
ما ح أرضى
أو عن قلبي يوم
راح أعود
كيف لو ب أعشق
أجمل وردة
عائشة في قلبي
بكل " خلود "

أجمل وردة
في جنّتي اسمك
حافظه في ركن
القلب الدافي
مستنيكي لَمّا تعودني
قمرة تنوّر
ليلي الصافي
نجمي الآفل محتاج نورك
إنّتي حيّاته
اللي ب تحييه
ما تضنّيش بحبك عنه
و اثبتني إنك ب تحبيه

و ب أستنا

على الموعد
و ب أستنا
و لساكي
مع النسيان
و لا حاسبة
لشيء معني
و لا حاسة
بأيّ كان
لا دوامة
و لا غيره
يعديكي
من التوهان

كمان الضحك
بالحقنة
في وقت الحزن
ب الأطنان
تاخذها بالشفاف
يا أما
تعيش الدنيا
في الإدمان

بدم خفيف
ح يبقى لك
سنا و حضور
شوية دم
أحسن
من تقالته
يغووور

بقى للنملة
صوت طالع
و كنا نشوفها
جنب الحيط
يا خوفي
لكعب جزمته
يدوس الدنيا
بالتنطيط

قساوتك ليه . . ؟

ب أحبك
وأنتي سامعاني
و ب أستنا
الرجوع تاني
ف تبعد
عني أحزاني
أنا في قلبي
ح أخبيكي
و نن العين
يداريكي
ومش ح أسأل
قساوتك ليه

أنا عارفٌ
معاني الحب
سنين شأيلها
جوايا
وصفتك
من صميم القلب
رسمتك حلم
و حكاية
و عاوزك
تسألني مرأيتك
على القلب
اللي ضيعته

أنا صمتي
آهات توجع
كلامي عمره
ما ب يخدع
ب أقولها لك
ب أموت فيكي
سواء ح أبعد
سواء ح أرجع
ح يفضل حبي
تحلفي بيه

أنا عمري
ما ح أترحزح
ولا قلبي
في يوم يسمخ
لشيطانك
و يستسمخ
ف يحبس قلبك
الصافي
و يخنق طيفك
الدافي
ويمسخ بكرة
واللي عليه

سمايا بيضا زهاري
ولا أسودت
غنايا همس أشعاري
ما يتشئت
ولو حاولت
تغييرك
ف من حبي
ولو فكرت
في غيرك
يموت قلبي
و حبك
هو مشواري
اللي مستنيه

أنا عمري
ما أشوف غيرك
ولا ح أبعد
ولا ح أيأس
وب أتمنى
أكون طيرك
يراعيكى و يستأنس
ف عيدي من حساباتك
وراجعي كل ما فاتك
ولما تعوزي
يوم قلبي
كفاية إنك
تشاورى إليه

أَتَغَيِّرُتِي

كل ما فيكي ليه أَتَغَيِّرُ
حتى حنائك ليه ب يَحِيرُ
فين الرقة
و الإحساس
فين الحب
لكل الناس
كنت ب أَلَاقي
حناني في حبك
كنت ب أَموت
ف رقة قلبك
فجأة كبرتِي
وأَتَغَيِّرُتِي

فِينو حنانك
فِينها مشاعرك
فِين الوردة البيضاء
فِي شَعْرِك
حتى الضحكة
اللي ب تسحرني
ب تبكينني لما أفْتكرِك
قسوة قلب
غريبة عليكي
نظرة هجر
ب تملا عينيكي
وعشان كدة
إنتي اتغيرتي

ياما جرحتي
كثير برموشك
ياما دبحتي
ما كنا نحوشك
فاكرة الرقة
فاكرة جمالك
ليه دلوقتي
أتغير حالك
صرت ب أشوف
الاسى في عيونك
كل ما فيكي يأكد ليكي
أيوه صحيح أنتي أتغيرتي

أتغيرتي

طب وأيه يعني
قلبي في حبك
ياما طاوعني
ح أنسى قساوتك و استهتارك
ح أنسى آلام البُعد ونارك
بس ضروري
ترجعي تاني
قلبي في بُعدك
ياما ب يعاني
و ب يشكي لي
و ب يحكي لي
إنه معاك لي لو اتغيرتي

اتغيرتي

آزاي نسيث . . ؟

أنا غصب عني
ح نفترق
أيوه مشيث
أنا مش تا عيني
غير بُعادك
و أرتضيث
أنا برضو
مين ح يهمني
مين ح يرافقتي
في الطريق
رغم البلابل والزهور
رغم الجنابين والعطور
إلا أنتي مش محتاج رفيق

صعب أني أسيبك يا حبيبتي .. إنما
لحظة فراق ب تنتشلي للسما
نورك هنا ب أستنا فيه
اسمك أنا مقسوم عليه
الورد

والنور
والشجر
الكل حاسس ب أشتياقي
البحر
والطير
والحجر
الكل مستني التلاقي
لكن أنا بس اللي عارف
إنه صعب .. وقد أيه

ما أقدر شي أقول
 مهما ف بُعادك
 لوح أعاني
 ما أقدر شي أشوف
 قلبي أناني
 أنا فرحتي
 لَمَّا دموع الشوق تجف
 أنا لهفتي
 إن الألم عندك يخف
 سببي الدموع و ما ترعّيش
 خلي الوداع لحظات تعيش

أنا تُهت مني
مش لاقيني
فين أنا ؟
قلبي معاك
حلومي مات
ويا أنا !
أنسي الفراق
عيشي حياتك وأفرحي
سيبي الزعل
سيبي المتاعب و العنا
أنسي أي حاجة
بتنادي لك اسرحي

لَسَّه بُكَاي
 حُرْقَتَه ب تَهْزَنِي
 لَسَّه فَرَاقْكَ
 طَعْمَه مُرْ
 الْبُعْد عَنْكَ هَذَنِي
 حَتَّى هِنَا
 مَا بَقَاشْ يَسُرْ
 مَا تَعِيطِيشْ
 الدَّمْع
 وَ الشَّوْق
 وَ الْبَكَ
 أَشْيَاء حَبِيبَتِي مُرْبَكَة

أزاي نسيث
ساعة الفراق
ده أنا كل لحظة ب أفكر
لما اتقسمنا غصب عني
لما سبت
عيني ف عينك
والكلام أخرس من كثر الألم
أيوه وسكت
أنا يا حبيبتي حاس بيكي
كان نفسي أحوش
دموع عينيكي
لكن عجزت

أنا بانتظر
لحظة قرارك للرجوع
أنا ب أعتصر
جوايا بحر من الدموع
لكن سعادتي من سعادتك
ف أسعدي
عيشي حياتك في انبهار
و تأكدي
إنني ح أعيش الانتظار
مهما ح تسرقني السنين
ح أفضل حزين
مرهون على نفس القرار

ب اعتذر

ب اعتذر
إني أتوجعت
إني حسيت بالألم
كنت لازم
إني أموت
بس من غير
م أوجعك
أو أزلزل موضعك

ادبجینی ..
ما عدش دم
كل دمعي نرفته لَمَّا
قولت لك كلمة ندم
لو تسامحي
قلبي صامت
لو قسيتي
برضو ساكت
لسّه حاسس بالألم

قلبي قال لي
إني خنته
وإنه ما لهوش
أي ذنب !
إني بعتة ..
وانتهى
من غير سبب
إن دبحتي
عمري م أخضع
و إن بعدتي
برضو ح أرجع
و بأدب

اعذريني إني خنتك
خنت لحظه صدق فيكي
اعذريني إني بعثك
بعث قلبي اللي شاركي
أيه ح يغفر لي قول لي ؟
لوف موتى رد روحي
ف انتى روحي !
لونهائيتى
تكون شفايا
من جروحي ..

فاعذريني
لو سمعتي .. إني مت!
إني سبت الدنيا
بسي .. ما عمرى فت

قلبي مـوجـوع ..
مـ الـي فـيـه
هو حـبـك ..
صـدـقـيـه
الـدمـوع ..
عـمـالـي تـنـزـف
مـن عـيـونـي
بـتـنـادـي لـك
ارحـمـي قـلـبـي ..
ارحـمـيـه
لـو حـ اسـيـبـه
مـيـن سـواكـي
حـ يـرـحـمـه ؟
لـمـا أـمـوت دـلـوقـتـي
مـيـن رـاح يـفـهـمـه ؟

قلبي قدم اعتذاره
مع مماتي
هو كاره انه يفضل
في حياتي
هو مش عايز يسبيك
حتى لو إني بعدت
هو عايز إني أقول لك
في بعادك
إني مت . .

ما حبتكيش

أنا نفسي
بُعَاد خَالَصْ
و حب ولعب
مش ناقصْ
ولا تقولي
ولا تعيدي
ولا تخطي
ولا تزيدي
وخفي يا حلوة
ح تعومي
خلاص وصلتي
حلقومي

راح أسمح لك
وأسيب عيني توضح لك
خريفي ولا تشريني
رياحي
رعدي
أمطاري
زوابعي نار براكيني
ومين قالك باني جبان
أو لحبك في قلبي مكان
صراحتي
لما أقولها لك
أنا نسيتك
ف تنسيني

ح أقولها لك بكل لغة
من الوادي : أنا كرهتك
و م البادية : ما ب أريدك
و بالفواخيري :
بديشي
معاكي و أنقطع عيشي
أنا فعلا ما حبتكيش
و أحب أزاي
و أنا شامم
شياط قلبك
و رفضك ليه
لو يفكر معايا يعيش

أنا مش عايز أسمعها
ولا عايزك تقوليها
أنا ذلتني أفكارك
وقلبي متوجع بيها
ونفسي
أترجى أخبارك
ف تنساني حكاويها
ولو قلبي
بعد عنك
ما غير نيش
كلام و سكوت
أنا برضو بعيد عنك
ما عمري ح أموت

ومش محتاجة
لوي اليد
ولا محتاجة تفكيرك
دماغك
لوفي يوم تغند
ح تجني
من ثمار غيرك
دموعك يلا لميها
وخببها إلى الآتي
ح يجي يوم تغريها
و تبكي الوحدة ليلا تي

ب أقولها لك ما حبتكيش
وحاسس أنه أحسن لي
بعيد عنك
راح أقدر أعيش
ولا زيك ح تحسن لي
ولا ليالك
ولا عينك
ولا موال ح يشغلني
أصارحك
أو ما صارحكيش
ب أقولها لك ما حبتكيش
كفاية وأبعدي عني

کفایاکم

سیبیکي حیاتي م العزال
و عیشي حیاتنا
من غیرهم
بلونا بهم ..
قیل و قال
و هدونا
بتفکیرهم
قولي لهم
مهما تدونا
خلاص شوفنا نواياکم
شبکتونا
عزلتونا
بجد بقى کفایاکم

أنا برضو
ب قولها لكم
مكانكم
كان كبير في القلب
ف سبتوا الغل مكنكم
مسحتهم
كل لحظة حب
ودمرت أماكنكم

الشاعر في سطور

- الاسم / عبد القادر عيد عياد
- اسم الشهرة / عبد القادر عياد
- حاصل على ليسانس آداب وتربية
- يعمل بالتربية والتعليم
- عضو إتحاد كتاب مصر
- رئيس نادي أدب العريش
- رئيس النادي الأدبي المركزي بمحافظة شمال سيناء
- رئيس الصالون الأدبي بمركز شباب بالعريش
- نشر في العديد من الجرائد والمجلات في مصر والدول العربية
- مثل المحافظة في العديد من المؤتمرات الإقليمية والعربية
- عضو سابق لأمانة مؤتمر أدباء مصر وأمانة إقليم القناة وسيناء أكثر من مرة
- فاز بالعديد من الجوائز والمراكز الأولى على مستوى الجمهورية
- فاز بالعديد من الدروع بالمحافل الأدبية والمؤتمرات الكبرى

الفهرست

۳	الإهداء
۵	أنا عمري ما أصدق قلب
۲۱	ب تدبج موت
۲۹	حبيبتي أزاى يكون اسمي
۳۸	وصية قلب
۴۶	حبي لمصر ما يتعوضش
۵۳	أنا عمري ما ح أنساكي
۵۶	وحشتيني
۶۲	أنا لسه على وعدي
۶۵	ما يلزمنيش
۷۰	قلبي حزين في غربته
۷۵	أكيد نهايتها ملتوتة
۸۰	حروفي ب تنفرط ليكي
۸۶	واخدة قلبي خط سيرك
۹۲	ليه تحتاري
۹۵	و ب أستنا
۹۹	قساوتك ليه
۱۰۵	اتغيرتي
۱۰۹	أزاى نسيت
۱۱۶	ب أعتذر
۱۲۲	ما حبتكيش
۱۲۸	كفاياكم
۱۳۰	الشاعر في سطور
۱۳۱	فهرست

صدر للشاعر / عبد القادر عيد عياد

- ١ - الفارس و المدينة
 - ٢ - العودة
 - ٣ - ابتعدي عن روضتي
 - ٤ - منى القلب
 - ٥ - أحلام
 - ٦ - قيس القرن العشرين
 - ٧ - و تغيرت يا قدس فيكِ معلمي
 - ٨ - أوجاع شمالية
 - ٩ - السقوط في فواصل الذهب
 - ١٠ - هروب إلى العشق
 - ١١ - خلاص ح أبعد
 - ١٢ - السجدة
 - ١٣ - ما زلت لون البحر
 - ١٤ - ب أحبك موت
 - ١٥ - شاعر وست شاعرات
 - ١٦ - ما تحاولشي - اعتذاري
 - ١٧ - بقية من سفينة نوح - لأول مرة
- ديوان شعر
أشعار بالعامية
ديوان شعر
ديوان شعر
أشعار بالعامية
ديوان شعر
ديوان شعر
أشعار بالعامية
ديوان شعر
ديوان شعر
أشعار بالعامية
أشعار بالعامية
ديوان شعر
مناظرة شعرية
مناظرة شعرية
تشاركي مع خلود سعود
تشاركي مع ميار مجدي

تحت الطبع / تعبت كثير أنا بعدك

العنوان / العريش - حي آل جرير

ت / 01007776017

بريد الكتروني / kader1265!@yahoo

رقم الإيداع / 2019 / 14682

الترقيم الدولي / 978-977-6668-43-0

تم طبع هذا الكتاب بالمشاركة مع إتحاد كتاب مصر